

# oberaargouer rap

linn sägesser luisa wüthrich katja hofer  
jonas neukomm lukas räber michele kölliker rathushan sathananthan  
2012

## strophe 1

hei hou hallo und hätzlech wiukomme  
zu dem rap vo üs junge froue  
mit em text heimer scho viu lüt umghoue  
aber jetze wärde mer mau für öich e rundi flowe  
hie im oberaargou säge mir enang tschou  
und do im oberaargou do fingt jedä sini frou  
so viu sympathie das gits nume hie  
young wild and free dr oberaargou isch nid z chli  
ire chillte beiz chunnt jede u frogt houmie wie geits  
wie steits guet im oberaargou da bisch nid greizt  
uf dr aare e schwan so wiis wie schnee  
hesch so eine scho mau im wallis gseh  
chunnsch zrüg vo moskou we say welcome home  
I dire heimat läbsch du di troum und dini heimat isch dr oberaargou  
dä räp so click clack schnäu gschribe für e knäck

## refrain

er liegt zwüsche solothurn aargou u luzärn  
vo dert chasch du fahre mit em böötli bis uf bärn  
aber was ne würklech usmacht si sini viele dörfli  
s git nid nume müsli chüeli sondern ou schöfli  
vo wäm isch äch d red s isch dr oberaargou  
vo wäm isch äch d red s isch dr oberaargou  
aber was ne würklech usmacht si sini viele dörfli  
s git nid nume müsli chüeli sondern ou schöfli

## strophe 2

hei hallo hätzlech wiukomme  
zu üsem geile rap übere oberaargou  
hätt isch du wöue rappe wie mir das hie probiere  
hätt isch du müesse stresse und vorhär chli studiere  
aber das isch nume müglech wägem knäcksi sire show  
wo är organisiert het im oberaargou  
üse säubscht gschribnig rap isch zwar nid dr bescht  
aber mir hoffe aui schwär är gfaut nech ziemlech fescht  
er erstreckt sech vor jurachötti bis zum ämmitau  
u we de nid grad summer isch isch üs das ganz egau  
wettsch dr oberaargou gseh i sire voue pracht  
packsch dini sache u wanderisch uf d hohwacht  
dr bärtschi dr lampi dr johann schneider-ammann  
we mir se gseh am fernseh hei mir richtig fun dran  
u we mir dä kontescht gwünne mache mir e party  
lade aui i gumpe i d aare dri

## refrain

## bridge

jou i verzeue öich mou es gschichtli über ne giu aber es isch kei tamiu  
löu oder dumme siech hei si ihm gseit derbi het ers ja nume guet gmeint  
die einzige wo zuen ihm hei ghaute das si sini lang verstorbene aute  
itz isch er ganz allei und ohne es feschts warms dahei  
ganz vüu het er z ghöre becho gloub mir da wärsch du säuber nid froh  
mi het ihm gseit är söu hie wäg im oberaargou trifft er mi u dr knäck  
mir nähme ne ärnscht u nähme ne as hätz u gspüre si innerleche schmärz  
är isch nümm allei nümm allei dr oberaargou isch sis nöie dahei  
är isch nümm allei nümm allei dr oberaargou isch sis nöie dahei

## refrain